



UNIVERSITÄTS-
BIBLIOTHEK
PADERBORN

**Francisci Montmorencii E Societate Iesv Cantica Et Idyllia
Sacra**

**Montmorency, François de
Antverpiae, 1638**

Domine in virtute tua. Psal. 20.

[urn:nbn:de:hbz:466:1-69423](https://nbn-resolving.org/urn:nbn:de:hbz:466:1-69423)

P S A L M V S X X.

DAVIDIS REGIS.

T I T V L V S

^a A principio Psalmi
in finem,
perpetua est
ad Deum
Apostro-
phe.

^b Non ab-
sime metri
genus inue-
nies apud
Horatium,

Lyric. lib. 1.

^c Allusio
ad coronam
illam que
ablata de
capite Re-
gis Ammo-

nitarum,
imposita est
capiti Da-
uidis; ut
videre est

2. lib. Reg.
c. 12. cuius
et meminit
Flav. Iose-
phus.

^a In finem.

Domine in virtute tuâ lætabitur
Rex: & super salutare tuum ex-
ultabit vehementer.

Desiderium cordis eius tribuisti ei: & vo-
luntate labiorum eius non fraudasti eum.

Quoniam præuenisti eum in benedictio-
nibus dulcedinis: posuisti in capite eius
c coronam de lapide pretioso.

Vitam

ARGUMENTVM.

Hic vigesimus PSALMVS, est gratulatio pro salute Regis, & victoriâ de Ammonitis & Syris obtentâ, si iuxta litteram accipias: sin verò iuxta sensum spiritalem magis placet intelligere; DAVID Psalmi auctor meritò dicendus est in CHRISTI victorias respexisse. Nobis certè sit idonea gratulandi formula, quâ pro relatâ nuper ab Inuictissimo Hungariæ & Bohemiæ Rege FERDINANDO ad Nortlingam de perduellibus Victoriâ, vota Deo exercituum persoluamus.

R Ege quòd incolumi letum Paana canamus,
 Cecidit quòd Barbarus hostis,
 Muneris est, Deus alme, tui: Te nempe secundo
 Rex ampla trophæa reportat,
 Appenditque tuam votorum compos ad Aram;
 Rata qui facis illa, priusquam
 Penè verecundo fuerint concepta labello.
 Dauidi Tu, quidquid honoris,
 Quidquid habet regni, patrio largiris amore.
 Illi tua dextera presens
 Gaudet Hydaspæis incendere tempora gemmis,
 Triplicique ambire coronâ.

Das

Vitam petijt à te : & tribuisti ei longi-
tudinem dierum in sæculum , & in sæcu-
lum sæculi.

Magna est gloria eius in salutarì tuo :
gloriam & magnum decorem impones su-
per eum.

Quoniam dabis eum in benedictionem
in sæculum sæculi : lætificabis eum in gaudio
cum vultu tuo.

Quoniam Rex sperat in Domino : & in
misericordia Altissimi non commouebitur.

Inueniatur manus tua omnibus inimi-
cis tuis : dextera tua inueniat omnes qui te
oderunt.

Pones

Das super his annos, immortalēque senectam,
 Et inexpugnabile robur.
 Nēve quid ad cumulū desideret ille fauoris,
 Certissimus efficit auctor
 Illius innumeris ut gloria fulta Triumphis
 Lauros consumpserit omnes;
 Nec satis inueniat palmarum diues Idume
 Regem quibus ornet ouantem.
 Quid sibi prætereā supplex Dauid ampliùs optet
 A te tot honoribus auctus?
 Aut noua cur poscat benefacta prioribus addi,
 Maiorāve gaudia speret?
 Felix ô nimium felix, te semper in uno
 Quoniam spes collocat omnes!
 Non illum quatiunt creperi discrimina belli,
 Non acres undique motus.
 Sic Parani cautes ventorum obnititur ira,
 Tempestateſque sonoras
 Imperturbato secura cacumine ridet.
 Nec Arabs, nec belliger Ammon,
 Nec Dauidem contrā quidquam Syrus audeat
 hostis.
 Tuus hæc metet agmina mucro
 Barbaricis altè fibris inguloque receptus.
 Hæc est tibi debita laurus.
 O Pater! vsque tuo defensum Numine serua
 Per mille pericula Regem:
 Et coniuratas Solymam subuertere gentes
 Valido disperde lacerto:

Has

Pones eos vt clibanum ignis in tempore vultus tui : Dominus in ira sua conturbabit eos, & deuorabit eos ignis.

Fructum eorum de terra perdes : & semen eorum à filijs hominum.

Quoniam declinauerunt in te mala ; cogitauerunt consilia quæ non potuerunt stabilire.

* Hieronymus legit, funes tuos præparabis contra facies eorum, vt velut indagine cingantur impij, ne uisionem diuinã possint euadere.

Quoniam pones eos dorsum : in * reliquijs tuis præparabis vultum eorum.

Exaltare Domine in virtute tua : cantabimus & psallemus virtutes tuas.

Has furor absumat tuus, innoluatque perenni

Velox Vindicta ruinâ:

Ignis ut erumpens super exundante camino

Vorat, alta brachia silvæ.

Impia colluvies sic funditus excindatur,

Vt semina nulla relinquat,

Nullam post aliquot stirpem quæ pullulet annos.

Horum sit nemo superstes

Qui tua consilio pessumdare sacra profano

Tentant; sed inanibus ausis.

Vltor ades! pharetraque habilem deprome sa-

gittam,

Fugiat tremefactus ut hostis:

Dum verso vitare volet tua spicula tergo,

Vitricem incurret in hastam,

Cedendamque tibi frontem dabit; undique

cinctus

Indagine more ferarum.

His quantus tibi surget honos, quæ gloria factis;

Deus ô supreme Deorum!

Nos fidibus, nos voce tuum cantabimus assâ

Mansurum in secula nomen.

CHRONOGRAPHICVM.

DoMIne In VItVte tVâ LætatVs est
reX nortLIngæ.

L

ARGV.